



PROVINZIA AUTONOMA DE BALSAN - SÜDTIROL

Direziun provinziála Scora de Musiga todëscia y ladina
SCORA DE MUSIGA VAL BADIA

ISCRIZIUNS ONLINE 2026/2027

<https://civis.bz.it/einschreibung-musikschule>

<https://civis.bz.it/iscrizione-scuola-musica>

myCIVIS

cina ai 31.03.2026

sp:d

REGOLAMÈNT POR L'ANN DE SCORA 2026/2027

Tratan le mèis de merz pó i interessá y che á l'eté preodüda, s'anunzié ONLINE (*link dessura*) tres MYCIVIS cun le SPID o la CIE (cherta d'identité eletrónica), por un o dui stromënc y por öna o deplü materies secundares. Por podëi frequenté n secundo stromënt ól ester na rajun particulara, che gnará valutada y che mëss gní autorisada dal direttur.

Por i scolars che se scrí ite le pröm iade por n stromënt o che n'á nia ciáfë n post l'ann denant, vëgnel formé gradatöres metüdes adöm do chisc criters:

al é da tó en conscideraziun deplü fascies d'eté: naota ti vëgnel dé la prezedënza ai scolars fora dla “fascia d'eté zentrala” dal plü vedl al plü jonn, spo dala “fascia d'eté minima” indô dal plü vedl al plü jonn y spo dala “fascia d'eté plü alta” dal plü jonn al plü vedl.

Al vëgn assegné punc por i agn de formaziun musicala che le scolar á bele albü tla Scora de Musiga o te d'atres istituziuns musicales reconesciüdes (leziuns privates ne vëgn nia tutes en conscideraziun) y por i agn che un aspeta. Les gradatöres vëgn elaborades automaticamënter tres n sistem eletronic che fej la soma di punc y tëgn ince cunt dl'eté di scric ite.

N.B.: por vigni stromënt vëgnel formé na gradatöra “unica” a nivel de valada/direziun.

De jügn 2026 ti gnará comuniché ai nüs scric ite por email n ID-nr. por odëi a ci post che ai é tla gradatöra dl stromënt. Chëstes gradatöres gnará publicades sön la plata internet dla scora.

N.B.: Les iscriziuns mëss gní fates vigni ann danü, ince sce i mituns é sön lista de speta.

Ince les reiscriziuns por i scolars che frequentëia bele la Scora de Musiga é da fá ONLINE.

Por chi che frequentëia bel la Scora de Musiga mëssel naota gní atualisé la “plata dles reiscriziuns” y impormó dedô pón evtl. passé ala “plata dles nöies iscriziuns 2026/2027”.

N.B.: La porsona che fej l'iscriziun ONLINE é automaticamënter « destinatari dl cunt » (Rechnungsempfänger). De setëmber vëgnel comuniché por telefon l'orar de leziun.

Stromënt/Materia	Eté minima	Fascia d'eté zentrala		Eté mascima
		8	10	
Fabló	7	8	10	davert
Fabló transversal	7	8	14	davert
Oboe	9	10	18	davert
Fagot	7	8	16	davert
Clarinet	7	8	16	davert
Saxofon	7	8	16	davert
Trombëta	7	8	18	davert
Corn	7	8	18	davert
Posauna	8	9	18	davert
Bariton	8	9	18	davert
Tuba	9	9	18	davert
Percusiuns	8	9	16	davert
Orgni da botuns	8	9	14	davert
Vidra	7	8	14	davert
Violoncello	7	8	11	davert
Chitara classica	8	9	14	davert
Clavier	7	8	14	davert

Materies secundares:

Cianté eté min. 7 agn	Cor dla Scora eté min. 10 agn	Grup de cianté eté min. 11 agn
Teoria "Brom" eté min. 10 agn	Teoria "Arjënt" eté min. 12 agn	Teoria "Or" eté min. 14 agn

Le dé fissé por stabilí l'eté por la gradatöra é le **31/12** dl ann de scora a chël che al se referësc l'iscriziun. (Chël ó dí: **düë** chi dl **2019** á **7 agn** - chi dl **2018** á **8 agn** - chi dl **2016** á **10 agn** y i.i.)

N.B.: Les scolares/i scolars **plü jones/plü jogn** che pó se scrí ite por l'ann de scora 2026/2027 ala Scora de musiga Val Badia: **ann de nasciüda 2019**

I scolars che impara n stromënt dess ince frequenté na materia secundaria.

I scolars é obliá da gní regularmënter y da s'arjigné ca indortöra ales leziuns.

La Scora de Musiga se rresservëia le dërt de stlûje fora i scolars che desmostra massa püch profit y interes, por gaujes disciplinares o por tröpes assënzes.

Al vëgn perié de lascé alsavëi sce le scolar ne pó nia gní a leziun.

Les desdites ala Scora de Musiga mëss gní fates cun na comunicaziun scritta.

Sce al toma fora leziuns da pert dla Scora de Musiga gnarál lascé alsavëi tres le sorvisc SMS .

I ciararëis na comunicaziun de desdita dla leziun sön le **"numer de zelular"**, che os ëis dé dant sön l'iscriziun. Sön la **"misciun email"** che dëis dant ciararëis ia por l'ann comunicaziuns desvalies.

Responsabilité

Al vëgn perié de condüje i scolars por l'ora d'insegnamënt y gní a i tó canche ai á rové la leziun.

Por le patüc che i scolars porta te scora, o stromënc di mituns o di insegnanc che vëgn roviná, ne respogn la Scora de Musiga nia. **La responsabilité dan y do la leziun é di geniturs.**

Toléde l'ocajün da ti ciaré ai **video** sön le canal **"youtube"** dla Scora de musiga Val Badia

link: <https://youtube.com/channel/UCo0cSZ1jchj4ydNhF56dApA>

Ciararëis de vigni sort de informaziuns sura i stromënc che vëgn insigná.

Dötes les disposiziuns por podëi frequenté la Scora de musiga é dades dant plü avisa tl **"ordinamënt di stüdi"** dla Seziun Scores de musiga todëscas y ladines sön la homepage dla scora.

Tarifes por la frecuënza dla Scora de Musiga (da paié ma tres PagoPA)

	scolars/studënc	adulc
tarifes por la frecuënza de na materia stromental *	€ 220,00	€ 400,00
tl caje de "fredesc" - tarifes por frecuënza de na materia stromental *	€ 170,00	-
mâ cianté/mâ teoria/ leziun stromental de grup (almanco 4 scolars te na leziun)	€ 110,00	€ 200,00
tl caje de "fredesc" – mâ cianté/mâ teoria/leziun stromental de grup	€ 80,00	-

N.B.: *Sce valgügn frequentëia na leziun stromental é **bel tl prisc laíte** ince le **"cianté"** y la **"teoria"**!

Desdita ala Scora de Musiga: Sce la desdita scritta vëgn fata **cina ai 25 de otober 2026** ne paiun nia.

Sce la desdita vëgn fata **do i 25 de otober 2026** é da paié la **tarifa intiera**.

Tarifes por se impresté fora n stromënt (da paié ma tres PagoPA)

	imprëst por n ann	imprëst por ½ ann
prisc de cumpra dl stromënt cina € 4.999,99	€ 130,00	€ 65,00
prisc de cumpra dl stromënt da € 5.000,00 insö	€ 180,00	€ 90,00



SCORA DE MUSIGA VAL BADIA - Str. Ninz 9 - 39030 La Ila

tel. 0471/847748 - zel. dir. 338/4304403

e-mail: musikschuldirektion.gadertal@schule.suedtirol.it

<https://deutsche-bildung.provinz.bz.it/de/musikschulen>

